

COELESTI DOCTORE DIRIGENTE,
DISPUTATIONEM SOLENNEM MEDICAM,

De

INCONTINENTIA URINÆ,

AUCTORITATE

Gratiosi Ordinis Asclepiadæi,

in Illustri Academia Vitembergensi,

PRÆSIDE

Excellentissimo Experientissimoque,

DN. D. PAULO GOTTFREDO
SPERLINGIO,

Anatom. ac Botanic. Prof. Publ. Celeberrimo,

Dno. Patrono ac Promotore suo

maximoperè colendo,

PRO GRADU DOCTORIS

Summisque in Arte Salutari Honoribus & Privilegiis, ritè consequendis,

Ad Diem Mart. Ann. M. D. C. III C.

Horis ante & post meridiem solitis,

Publico Philiatricorum Examini Submittet

M. CHRISTOPHORUS DANIEL DISTEL

Græfenbergâ - Noricus,

Poeta Academicè Coronatus Cæsareus.



I. N. F.

PROOEMIUM.



Vod Scientiæ Architectonicæ peritos decet, eorumque prudentiam quàm maximè commendat, ut in ædificiis extruendis non tantùm de fundamentis ritè jaciendis, splendidisque tricliniis exornandis, sint solliciti; sed & atrii ac compluvii non obliviscantur, ne desuper cadentes aquæ parietes alluant, aut fundamenta destruant: id omnium maximè Sapientissimum corporis nostri Conditorem, in Oeconomix animalis structurâ fingenda, effecisse cernimus, ubi osseo quidem fundamento, musculorum ligaminibus colligato, mirabile mentis firmavit domicilium; aquæ tamen ductuum haudquaquam immemor, vesicam urinariam, corporis nostri quasi cisternam, divino formavit consilio.

filio. Quidquid enim damni ab aquarum inordinato motu sustinent ædificia: id quoque corporis nostri machina, à lymphæ superfluxæ secretionē vitiata, experitur; ut non immeritò partes, liquoribus his eliminandis dicatas, tam affabrè & sapienter efformatas videas, tubulisque suis & janitore sollicitè donatas, Sapientissimum quemque in admirationem sui rapientes. Sicuti vero nihil tam firmum atque stabile in splendido hujus Terræ cernimus globo, quod omnium temporum eludat injuriam; ita partibus quoque corporis nostri, urinam secernentibus, sæpè contingit, ut modò à limosis quisquiliis meatûs obstruant; modò ab acrimonia humorum parietes erodantur, vel etiam violentæ manûs injuriam sustineant, opeque medicâ sæpissimè indigeant. Ex omnibus his in præsens **INCONTINENTIAM URINÆ** selegisse sufficiat, affectum sanè gravem & maximè laboriosum, quî, si quis alius, generosorum remedium vim eludit, ægrosque, vitæ pertæsos, morti tradit; quorum nos ultrò miseresчимus, & his ipsorum lacrymis Vitam dare, iisque loco inauguralis speciminis, pro viribus, ferre suppeditas, cum **DEO**, laborabimus.

SECTIO

SECTIO I.

De

Definitione & Subjecto.

INcontinentiam itaque Urinæ tradituri, appellamus eam involuntariam partium Sanguinis aqvosarum, earumque effoetarum, per substantiam renum colatarum, excretionem, à læsa constrictione fibrarum vesicæ muscularium, quæ sphincterem ejus efformant, oriundam, sic ut Urina ægrorum ingratiis eliminetur. In statu enim naturali portio ista sanguinis serosa, munere suo functa, & parte gelatinosa orbata, moleculisque Salino-sulphureis ebria, per secretaria sua, in renibus colata, in vesicam colligitur, & vel mole, vel acrimonia fibras ejusdem & Sphincteris sollicitat, Spiritusque, in nervis harum partium excubantes, in motum cogit, qui usque ad animæ solium exagitati, tantum certo tempore, portam recludendo, mandata mentis exequuntur. Hic vero Spiritus vel perperam excubitorum funguntur munere, vel liquor non audit, aut nullas invenit naturæ habenas, unde non amplius in vesica colligitur, sed per ureteres ad eam delatus, præter ægri voluntatem, tempore non opportuno profluit.

Afficitur vero primum omnium Vesica cum Sphinctere suo, qui est interior ac angusta, magisque carnosae vesicæ pars, quæ collum seu cervicem ambit, & eam etiam constituit. Hic enim in statu naturali vesicam, mediantibus fibris suis, non tam rectis circularibus in orbem diffusis, quam oblique magis porrectis, constringit, & efficit, ut urina in cavo vesicæ moras nectat & colligatur; in hoc vero affectu ab operatione sua

A ;

cessat,

cessat, ostiô semper existente patulô. Sunt quidem non pauci in musculum hunc orbicularem liberaliores, ne dicam prodigi, eundemque modò transversalium, modò rotundarum fibrarum serie exornant, quod ultimum etiam *Bibliotheca Anatomica Collectoribus Tom. I. p. 386. ac Ettmullero, Operum suorum p. 383.* placet; quia tamen accuratiores, fibras ejus ad angulos obliquos vel semi-obliquos, vel helicis figuram inclinare testantur, & sensus ipse eam comprobat, ideo nos quoque in eadem acquiescimus.

Ipsam tamen etiam genus nervosum, cum succo suo liquido elastico, in hoc affectu à labe non est immune; & imprimis furculi nervorum, intercostalium sæpè afficiuntur, qui teste *Vierſsenio p. 392. & 394. Neurographia*, in vesicam & ejus sphincterem inseruntur; quibus alii etiam ramulos, ex medulla ossis sacri, addunt. Hanc enim ob causam senes, paralytici, apoplectici, epileptici, & omnes, qui graviore aliquo nervorum affectu laborant, quandoque involuntariô urinæ profluvio unâ corripuntur. Sæpè quoque partes, jam laudatæ, alienam culpam sustinent, & reliquorum viscerum, imprimis renum, ventriculi & ipsius Massæ Sangvineæ, lunt errores, cum nulla pars in corpore nostro subcerviculorum reliquorum & exundantis sanguinis injuriis magis subjiciatur, eorumque vitia facilius in se suscipiat, quàm vesica, in quam, tanquam in Sentinam publicam, eliminantur quisquilia undecunque cumulata.

SECTIO II.

DE

Causis.

Causam immediatam, involuntarii Urinæ profluvii, constituimus fibrarum vesicæ muscularium, potissimum

mum earum, quæ sphincterem ejus efformant, constrictionem læsam, quæ in hoc affectu tanta est, ut actio ejus naturalis, quæ in occlusionē exacta colli vesicæ consistit, sufflaminetur. Cum enim, in oeconomia animalis structurā efformandā, Sapientissimo Conditori visum sit, ut partium corporis nostri fluidarum magis æquosæ & emeritæ in renibus continuo secernantur; & cæ tamen, si sine intermissione extra corpus eliminarentur, madore suo genitalia foedarent, & propter admixta falia roderent, multasque alias crearent molestias; ideo, obice quasi posito, excretionem istam interpolavit. Hic vero, variis injuriis expositus, in operatione sua multis modis turbatur, & sæpè langvidus mandato fungitur munere, interdum in opere desidiosus cessat, cum maximo totius machinæ detrimento. Sic in sexu leqviori collum vesicæ & ejus sphincter, unā cum vagina uteri, in partu difficili adeo sæpè distenduntur, ac interdum cum, interdum sine vaginæ prolapsione, relaxantur, ut tono fibrarum læso, collum vesicæ postea exactè claudī nequeat. Quia enim in foeminis cervix vesicæ vaginæ uteri superius implantatur, & ad pudendorum externorum summitatem terminatur, necessario illis nimium dilatatis, fibræ cervicis vesicæ quoque extenduntur, & de vigore suo, ac vi constringente multum remittunt. Accedit, quod, in teneriori hoc sexu, cervix vesicæ brevior & latior sit & ad expansionem magis disposita, cum contra in viris, ista vesicæ pars magis sit oblonga ac angustior, & per mentulam excurrat. Hinc non rarò apud Practicos tales videas observationes, ubi, post partum difficilem, miseræ de involuntario urinæ fluxu conqueruntur, qualia exempla quoque habent Bonettus *Med. Sept. collatit. Lib. III. SS. 27. p. 798.* &

Bartholin

Bartholin in uxore Statuarii, cum prolapsu uteri & ulcere vesicæ *Cent. IV. Hist. II. p. 213. it. Platerus Lib. III. Obs. p. 755* & Excell. Dn. Præses idem in partu primo, potissimum si foeminæ vetulæ fuerint, observavit.

In aliis Sphincter vesicæ & ejus fibræ omninò lacerantur, quod cervicem omni vi constringente exuit, & in vulneribus istarum partium contingit, ut & in sectione calculi vesicæ, ubi imperiti Lithotomi ipsas fibras sphincteris discindunt, quale exemplum habet *Sculletus Armament. Chirurgico Obs. LXVI. & Schenckius L. III. Obs. p. 486.* Interdum tamen Operarii hi, non quidem discindunt fibras Sphincteris, sed saltim nimium extendunt, si in foeminis, sine incisione, calculum, mediante forcipe, per meatum urinarium, prius per instrumenta dilatatum, extrahunt; vel vesicæ vulnus solito majus infligunt, & in curatione ejusdem non recte procedunt, efficiuntque, ut labia vulneris callum contrahant, & non iterum consolidentur, quod quandoque etiam ab urinæ acrimonia oritur, juxta *Nuckium, operation. Chirurg. p. 138.* ubi postea urina ex vulnere continuo effluit. Lacerationem verò quandoque miseræ quoque sustinent puerperæ ab obstetricum manu imperitâ, tam quoad sphincterem, quàm quoad vesicam, quod inter alios notat *Heerig in Spadacrene obs. 14. p. 194.* in primiparâ, quæ postea, nec momentò urinam continere potuit. Imò in ipso partu difficili, sine violentâ manu, sphincterem ruptum notat *Salmuth Cent. 1. Histor. 39. & Platerus L. 3. obs. p. 756.* ubi in juveniculâ rusticâ orificium vesicæ adeò scissum, fuit, ut hiant rima vesica cerneretur.

Accusat quidem *Ettmullerus, Operum suorum p. 383.* Carunculæ cujusdam Myrtiformis lacerationem, ejusdemque insignioris, orificio vesicæ, ubi in vaginam
uteri

uteri hiat, in foeminis præpositæ, eidemq; tribuit, ut in statu naturali collum vesicæ firmet ac obduret, quò urina retineatur. Quia verò Carunculæ Myrtiformes saltim sunt eminentiæ inæquales ac corrugationes membranosæ Vaginæ uteri, quæ post partum maximam partem obliterantur, ideo iisdem aliqua vis occludendi collum vesicæ vix competere posse videtur; & hinc quoq; non est veri simile, ab eorum laceratione urinæ fluxum involuntarium oriri posse, cum alias omnes foeminæ post partum huic malo essent obnoxia. Illud autem vero magis consonum videtur, circulum istum tendineum vel nerveum, quem intima vesicæ tunica illic loci efformat, ubi in urethram patere debet vesica, quique foramini velut appensus protenditur, & in catheteris immisione elevari debet, & in statu naturali valvulæ vicem gerit, involuntarium urinæ effluxum cohibentis, in illâ urinæ incontinentiâ, quæ ab extensione nimia colli vesicæ, aut ejus laceratione oritur, non parum in situ suo immutari.

Nec tamen his cancellis causarum agmen circumscribitur, sed sæpè citra omnem violentiam malum oritur, à spirituum animalium penuriâ, in toto corpore, eorumque langvidiori motu in senibus, ut & ab eorum influxu per nervos inhibito, quod in Apoplecticis cernimus. In aliis spiritus saltim in quibusdam locis, & magis iis tantum nervis intercipiuntur, qui vesicæ ac sphincteri inseruntur, ubi ob aliqualem spirituum defectum, vel ob nervorum compressionem & pororum subsidentium obstructionem, spiritibus ad partes istas denegatur transitus, quod in paralyticis videmus, & morbis acutis ac pesti quandoque supervenit, quatenus ibi quoque nervosum genus laborat & spiritus in motu suo turbantur ac

tur ac dissipantur. Hinc quandoque à contusione aut luxatione vertebrarum extremarum dorsi seu lumbarium malum oritur ; it. à compressione & casu ab alto ; si quidem regioni lumborum & ossis sacri illidatur corpus ; quia juxta nonnullos nervorum ramuli ex hoc osse ad vesicam derivantur, & circulus sanguinis in motu suo turbatur. Talem urinæ incontinentiam *Schenckius L. 3. Obs. p. 486. ex Benivenio notat, in juvene ex arbore delapso, ultimam spinæ vertebra, lædente & Amat. Lusitanus Cent. 2. Cur. XI. p. 152.* Idem malum ex luxatione extremarum vertebrarum dorsi ortum fuisse observat, vid. etiam *Zacutus Lusitanus L. 2. Med. Pr. Histor. 143. p. 1184.* Sunt etiam qui solam corporis constitutionem frigidam & humidam accusant, eamque quandoque effectum hunc inducere posse, cum *Riverio Prax. Medic. libr. 14. cap. 7. p. 431.* sibi persvadent, quia sexus sequior & ætas juvenilis ac senes, ob serosorum humorum abundantiam, huic malo magis sunt obnoxii. Omnia enim quæ Spirituum animalium motum quocunque modo turbant vel suffiaminant, sub causarum militante vexillo, quò frigus externum quoque pertinet, nervoso generi & spiritibus animalibus, si quicquam aliud, inimicum, apoplectica ideò excitans Symptomata, teste *Galeno Lib. de morb. differentiis Cap. V.* & Convulsiones juxta *Hippocratem Sect. 5. aphor. 17.* Hinc lapidi marmoreo diutius insidentes, & in aqua frigida moras necitantes in involuntariam urinæ profluvium, incurrisse leguntur, quale quid in piscatore observat, *Schenckius L. 3. obs. p. 486.*

Remotarum causarum nomine veniunt omnia, quæ in majore quantitate partes superfluas, per vesicam eliminandas, in corpore cumulant, quatenus partem

tem affectam obruunt, ejusque fibras successu temporis laxant, ut oneri ferendo impares evadant, & tandem transitum liberum urinæ concedant. Tales sunt errores in diæta commissi, qui solutionem ciborum in stomacho turbant, & cruditates in corpore cumulant; it. cibi nimis saliti & acres, potus largior, & diureticus, acriumque & diureticorum usus nimius, à quibus urinæ incontinentiam ortam fuisse *Forestus* testatur *L. XXV. obs. XXI. p. 532.* & à Trageæ ex pipere longo, Zingibere, caryophyll. galang. Cinamom. &c. paratæ intempestivo usu, idem vidit *Hildanus Obs. Cent. VI. obs. 53. p. 564.* Quandoque etiam reliquorum viscerum errores luit vesica, quando illa mandato munere non funguntur, & ab opere secretionis cessant; & ipsa Massa Sanguinea, Salibus Scorbuticis turgida, urinam magis salisam & acrem reddit, quæ vesicam ad excretionem sui nimium sollicitat. Præ omnibus vero renes labem suam in vesicam promptissime derivant, quando eorum tubuli & meatus urinæ secretorii, à particulis Salinis pertranseuntibus, vel lacerantur, vel à tartaro, ibidem in calculum concrecente, extra ordinariè dilatantur, qui postea urinam per ureterum canales, uberius ad vesicam transmittant. Licet enim capillares sint isti canaliculi, per quos in papillares eminentias collectos, urina in cavitatem pelvis transit; dilatantur tamen sæpè extraordinariè ab arenulis & calculis, à renibus decidentibus, quia sunt vasa membranosa, quæ pro corporibus eliminandis, quæ semel admiserunt, mirum quantum extenduntur. Secernere verò solos renes urinam à sanguine, mediantibus glandulis & vasorum configuratione, sola transcolatione & necessitate mechanicâ, sine omni digestionem, renibus propriâ, fermentatione, præcipitatione,

ne, attractione aut fusione, post *Malpighium* & *I. A. Barrellum*, *Excell. Bobnius*, in *Circulo suo Anatomico* p. 205. & *seqq.* abundè & accuratè demonstravit. Post hunc etiam de breviori tramite, ex primis viis, ventriculo ac intestinis immediate ad matulam publicam; vel ex ductu thoracico ad emulgentes venas, vel ex vasis lacteis ad arteriam emulgentem, vel per alios obscuros & ignotos meatus, lotium derivante, non amplius sumus solliciti, nullumqve impofterum viarum meditamur compendium.

Sicuti verò causæ, jam laudatæ, urinæ incontinentiam veram & magis propriè dictam inferunt; ita restant quoque aliæ, quæ magis spurium hunc fluxum involuntarium, si cum *Ettmüller* loqui licet, vel quod aliis placet, immoderatum excitant. Tales sunt gravior vesicæ compressio, quæ efficit, ut, qui hoc malo corripuntur, urinam satis diu retinere nequeant, sed eam sæpius, in exigua quantitate, sine dolore, reddant, quod etiam gravidis, ultimis potissimum mensibus contingit, ob uteri molem auctam, quæ partes adjacentes in angustiora cogit spatia. Idem malum observarunt Practici, in tumore vesicæ proprio & vicinarum partium, inflammatione muscutorum abdominis, & partium in regione pubis vesicæ superjacentium, quatenus ibi quoque de sede suâ deturbatur vesica, & exiguam urinæ capit quantitatem. Hinc *Galenus Lib. Art. Medicinal. cap. 72. p. 132.* ipsam vesicæ angustiam, ejusque parvam molem nativam, huic malo ansam dedisse notat, & *Excell. Dn. Preses* idem à calculo vesicæ, ejusdem collo incumbente, moleque suâ ac asperitate partes nervosas continuo ad excretionem sollicitante, in aurifabro observavit.

Omnis etiam fortior abdominis concussio, qualis
in

in graviore tussi contingit, in dispositis & ubi fibræ Sphincteris laxiores sunt, ut in senibus, quandoque efficit, ut præter intentionem urina elabatur. A fortiori enim ista pectoris commotione totum genus nervosum, & potissimum quod infimo ventri præest, in consensum trahitur, & unâ cum diaphragmate omnes partes abdominis internæ cum vesica concutiuntur. Tale exemplum in vetula annotavit *Platerus L. 1. obs. p. 206.* & *Bennettus Part. alt. Med. Sept. SS. 27. p. 512. it. Salmuth. Cent. 2. obs. 30.*

Præter has v. causas incontinentiam urinæ, in vigilantibus ac dormientibus, inferentes, dantur etiam aliæ debiliores, quæ efficiant, ut saltem in somno urina, citra ægri intentionem, è vesica elabatur. Tales sunt torpor Spirituum animalium, eorumque motus languidior, qui in somno à lymphâ dulci & partibus sulphureis, spiritus quasi irretientibus, oritur, & efficit, ut stimulo non æque fortiter resistat sphincter, & negotiū cervicis non exactè peragatur. Hoc vitio præ aliis laborant infantes ac senes, quia in illis fibræ sphincteris teneriores & laxiores sunt, in his spirituum penuria jamdum dispositionem aliquam ad hunc affectum denotat, quæ, datâ levi occasione, in actum deducitur. His annumeranda venit prava consuetudo, quæ successu temporis, in multis, in habitum vitiosum degenerat, qualem quid in puero notat *Tamæus l. 5. obs. 22. p. 258.* videtur tamen ad hunc affectum aliquid quoque conferre falsus phantasiæ lusus, quando per quietem anima stimulum sentit, & ordinarium excretionis locum sibi fingit, atque hac impressione sphincterem recludit, quod à motu Spirituum inordinato & insufficienti, ubi exigui eorundem manipuli,

antea consuetum motuum typum languidius repetunt, forsan deducendum.

Referri huc meretur affectus, de quo apud *Excell. Dn. Praesidem*, nuper admodum, quæstus est vir, alioquin benè sanus, nisi quòd ob vitam sedentariam, hypochondriacis quandoque agitetur doloribus; Hic ex multorum annorum consuetudine, de nocte quandoque, urgente natura, urinam, arreptam matula, inter cubandum, reddidit. Nunc vero per aliquod temporis spatium, plus vice simplici inter mejendum obdormiscit, & ita matulae obliviscitur, ut eam in manibus detineat & postea inter dormiendum evertat, ac lectum inquinet. Huic *Excell. Dn. Praeses* autor fuit, ut lucubrationibus moderatius indulgeat, & ita Studiis immoretur, ne iis immoriatur, utque non amplius inter cubandum urinam reddat, sed ex lecto surgat, quò Spiritus, à laboribus diurnis torpidiores, in motum cogantur, & æger, somno quasi sepultus, ex eo magis excitetur, cum alias semisomnis opus hoc naturæ peragat, ejusdemque manè vix recordetur.

SECTIO III.

De

Differentiis & Signis.

Differt verò affectus hic ratione subjecti & causarum, ubi alia urinæ incontinentia est vera, alia notha; alia recens, alia inveterata; mitior, vel gravior; idiopathica vel sympathica; simplex, l. cum aliis morbis combinata. Præsentiam autem mali indicant vel æger, vel domestici atque adstantes, quorum curæ æger est commissus,

missus, ut & stragula ac vestimenta inquinata, quæ, tacentibus omnibus, abundè loquuntur.

In Prognosi verò non æquè semper certa est prædictio, & sæpè in malo, tam rebeli, dubius ægros manet eventus, cum causarum genium, à quibus pendet, sequatur; & pro ratione illarum facilius, vel difficilius extirpetur. Quia tamen valdè scire avert, qui cum hoc conflictantur morbo, quæ salutis spes effulgeat, & anxie sciscitantur, ideò Medicus aliquo modo istam soletur sollicitudinem. Sit enim licet grave malum; non tamen æquè, sibi relictum, vitæ struit insidias; sed ægrum magis saltem misere vivunt, ut mortem in lucro ponant, eamque impensè desiderant. Plus vero sperare possunt, qui saltem in somno hoc affectu laborant, quam, qui etiam vigilantes eodem corripuntur, ut & si infantibus ac pueris accidat, cum in illis teste *Timæo l.c. 5. 258.* sæpè cum ætate sponte cesset, ubi nervi ac fibræ sphincteris musculares majus acquirunt robur, potissimum si mentis usque accedat, quæ hanc excretionem dirigit, & ægri verè recundiæ rationem habere didicerunt. Quæ vero adultos corripit urinæ incontinentia, & jam inveterata est, ac in habitum degeneravit, & post annum XXV. non cedit, difficulter curatur, & in senibus potissimum ac decrepitis sæpè non est medicabilis, in primis si à paralyti, vel alio nervorum vitio, it. rupturâ aut ulcere sphincteris vesicæ graviori, aut profundâ, fibrarum & transversâ incisione oriatur. Similiter in febribus continuis & peste, juxta *Lomii observat. medic. p. 253.* & *Giselerum de peste Brunsvicensi obs. 114.* periculosum est symptoma, deliriis ac convulsionibus & tantum non ipsis petechiis, victricibus mortis trophæis, æquiparandum.

SEC-

SECTIO IV.

De

Curatione.

IN CURATIONE eam in curam omni cogitatione incumbendū est sedulò, ut ad causam retrò respiciamūs, eamque, quomodocūque fieri potest, remediis selectis removeamus. Non enim semper sola Adstringentia, & Vulneraria utramque faciunt paginam; sæpe etiam Nervina, quæ spiritus animales restaurant eorumque vividiores motum promovent, in subsidium sunt vocanda. Imo præter PHARMACIAM, etiam CHIRURGIAE auxilium est implorandum, quæ partes laceras unit atque firmat, vel saltim, si ulterius progredi non licet, & plus prodesse non possumus, tantisper quæcūque, licet interdum miserum, affert solamen; & exacta insuper injungenda est DIÆTA, quæ humorum acrimoniam temperet, eorumque uberiores proventus inhibeat.

Ex CHIRURGIA verò ibi ferè saltim auxilium sperare possunt ægri, ubi incontinentia urinæ ex ulcere, vulnere aut ruptura oritur, & si reliqua frustra fuerint adhibita; licet ibi quoque interna non planè sint omit-
tenda. Si itaque post lithotomiam malum ingruat, vitioque vulneris, cujus labia callosa fuerint reddita, contingat, & ex eodem urina effluat, tunc vulneris istius labia cultello vel lanceolâ leviter sunt scindenda & cruci-
entanda, adhibitâque, post labiorum novissimè vuln-
eratorum exactam unionem, decenti deligatione, vulne-
ris consolidatio est tentanda, ut urinæ exitus præcluda-
tur

tur. Internè verò vulneraria, quæ humorum acrimo-
niam temperant, eorumque affluxum inhibent, ut &
antiscorbutica & sangvinem depurantia sunt propinan-
da. Si tamen consolidatio vulneris ex voto non succe-
dat, & urina acrior viam istam sibi servet liberam, com-
pressulâ admotâ, ope *Bracherii* seu *subligaculi*, quod
apud *Nuckium Operat. Chirurg. Figur. XI.* reperitur, foramen
artificiosè est occludendum, & urinæ egressus cohiben-
dus. Similiter si malum ex vicio sphincteris oriatur, &
alia frustra fuerint adhibita, urethra eodem *Bracherio*
est stringenda, ut urina necessariò in vesica tam diu re-
maneat, donec relaxatâ côchleâ [qva, pro lubitu com-
pressâ, comprimitur] eidem exitus concedatur. In foe-
minis verò hoc subligaculum non habet locum, quia
illarum meatus urinarius hoc modo comprimi nequit,
unde ejus loco ibidem instrumentum, vesicæ formam
habens, ast complanatum, peculiari ostio donatum,
quod stillantem urinam excipiat, subligaculo annexum,
muliebribus admoveatur, cuius figuram vide apud *Sculpte-
tum in Auct. II.* Potest etiam sola vesica bubula inflata,
& exsiccata ita genitalibus applicari, ut stillantem uri-
nam excipiat; in primis nocturno tempore, quod *Pla-
terus* quoque *Prax. Med. tom. 3. p. 683.* suadet; licet hæc
quoque non semper adeò exactè applicari possit, ut non
aliqua pars urinæ præterlabatur, ob quam causam *Hil-
danus Cent. VI. Obs. LIV. LV. p. 565.* alia instrumenta exhi-
bet atque commendat. Præter *Bracherium* verò *Nucki-
us p. 140. Oper. Chirurg.* in sexu potiori, laudat etiam aliud
instrumentum simplicissimum, Postomis dictum, quod
habet figurâ XII, quo urinæ incontinentia, ab aliis quo-
que causis oriunda, commodè compescitur. Constri-

ctionem autem penis vinculo , qvo remedio foeminae in pueris interdum utuntur , qvia minimè tuta est, & *Bartholinus l. 3. Histor. 52. p. 103.* periculosa inde notavit. symptomata, meritò reprehendimus ; æqvè ac spongiam ad urinam excipiendam , externè applicandam , non svademus, qvia erosioni ansam præbet, qvatenus genitalia & partes proximas unà madefacit. Melius forsan consulunt miseris, qvi cum *Heerio in Spadacren. p. 103.* Siphonem argenteum, in sexu seqviori, vesicæ immittunt , & alteri ejusdem extremitati lagenam applicant, qvò modo excoriatio cutis & partium adjacentium prohibetur.

Reliquas operationes Chirurgicas , in hoc affectu parum solaminis promittentes , studiosè premimus silentio , nisi forsan qvis *Venesectionem* aut *Vesicatoria*, pro ratione causarum , qvandoqve concedenda esse ducat , eaqve, si febris vel impuritas sanguinis scorbutica urgent , vel à casu aut sanguine extravasato ac grumoso malum oriatur , commoda reperiat.

Maximam verò spem in remediis internorum efficaciam collocamus , qvæ ex *Pharmacia* petenda , & ita seligenda sunt , ut causarum rationem habeant , & non minus solidis , quam fluidis corporis partibus ferant suppetias. Faciunt hoc tam Vulneraria, qvàm antiscorbutica , item adstringentia & nervina , qvætamen non raro, pro ratione causarum concurrentium, miscenda sunt , cum in laceratione vesicæ & sphincteris , hujusqve dilatione nimia, plurima convenient & commodè maritentur. Sæpè etiam adeò à statu naturali recedunt humores , ut horum aliqui emendari neqveant , & in tantâ peccant quantitate , ut aliqua eorum pars *Purgantibus*

ne-

necessariò sit eliminanda. Ibi verò nullo modo fortiora sunt adhibenda, quibus male sani imperitis imponunt, & famam aucupantur, laudemque à crimine ducunt; cum ista vires deprædentur, & spiritus heluonum, in morem liguriant, ac colliquando contenta corporis, malum potius augeant, & in majori quantitate urinam foras propellant. Sufficiunt itaque nobis blandiora evacuantia, quæ mitius operantur, & primas saltem vias à Saburrâ liberant. Talia sunt *rhabarb. fol. senn. meohiacan. alb. agaric. aloctica, gialapa* in refracta dosi, & exinde parata; *Spec. c. diasen. diagal. M. extraost. rhab. &c.* Hæc enim serum acre divertunt & ad intestina evocant, efficiuntque, ut partes impuriore tartareæ, ad massam sanguineam transituræ, in ipso motu intercipientur; unde in scorbuticis potissimum, & ubi urina acrior peccat, sunt exhibenda.

Non minorem effectum pollicentur *Sudorifera* temperata ex *antimon: diaphoret. Bez. & l. mineral. antimon: & l. casbert. CC. phil. & usto, ebor. s. Δe, unicorn. fossil. Lap. 69. coralliis rubris, Terrâ Lemn. sigillat. &c.* parata, quæ spicula Θna infringendo acrimoniam lymphæ temperant, & partes inutiles per poros corporis evacuant, *Volatilia* verò si adhibentur, ut *Spiritus Θ*ci, ebor. Bez. Busfi. CC. Θ vol. CC. &c.* quæ in Paralyticis, Apoplecticis & Epilepticis conveniunt, magis cum aliis, & interdum ipsis Opiatis, (nisi magna spirituum penuria eorum usum dissuadeat) sunt miscenda, ne serum reddant fluxilius, & stimulum majorem vesicæ impertiantur.

Magis verò *Appropriata & Specifica* communiter, ita dicta sunt, si malum ex dilatato sphinctere vel vulnere, ut & ab abundantia Θium scorbuticorum oritur.:

rad. helen. Cichor. Symphyt. chin. Sarsaparill. tormentill.
 bistort. fol. plantag. hed. Terrestr. veron. consolid. Santicul.
 millefol. agrimon. flor. calausi. hyperic. rosar. papav. errat. L.
 aloes, rasur. L. sanct. Sassafr. Santalor. Lap. 69. Terra Cate-
 chu, Lemn. sigillat. bol. armen. &c. it. corallia, unicorn.
 fossil. medull. saxor. sanguis dracon. myrrh. mastich, & alia,
 Lapis hematit. Crocus & Iris niger, adstringens, NM. & ex
 his parata, decocta, essentia, extracta, pulveres, v. g.
 TR. catechu, Corall. & t. cydoniat. Ess. traumat. Dn. D. Wed-
 del. & Dn. Presid. L. aloes, TR. Iris balsamic. essent.
 Lignorum, pulvis styptic. Dn. D. Wedel. & Dn. Pres.
 Spec. diaplantag. Myns. correcte, pulvis cachect. Q. Stegnot.
 Guttman. essent. Vitria & t. liquor & l. & Opiata rite parata.
 Si vero acrimonia \square æ urget, præter jam laudata, conveni-
 unt ex Semin. papaver. phyll. cydon. glycyrrh. passulis &c. pa-
 rata, quo modo Circumforaneus decocto ex ficibus,
 uvis Corinthiacis, passul. & glycyrrhiz. foeminam, per
 septem annos incontinentiâ urinæ laborantem, apud Bo-
 nettum Med. Sept. l. 3. ff. 27. c. 13. p. 797. dicitur restituisse.

Contra si à nervoso genere, male affecto, malum de-
 pendet, profunt magis, castorina, salia volatilia Cinnabari-
 na & omnia nervina, essent. castor. castoreum in substantiâ &
 extracto, essent. succin. & vol. CC. succin. non fixata spiritus, E-
 bor. formicar. urinosus, Bezoard. Busui, lumbric. terrestr.
 CC. & c. cran. human. ungu. alc. & quæ ex radic. peon.
 caryophyllat. galang. irid. flor. fol. betonic. meliss. menth. ros-
 marin. salu. majoran. chamadr. chamapith. flor. anthos. Lil.
 convall. sem. cardomom. peon. cubeb. & similibus confici-
 untur.

Quæ verò practici vulgò pro Specificis venditant,
 undecunque conquisita, & in coelum evehunt, Jovem-
 que

que lapidem jurant, sub Sole meliora non existere, iis temere non est fidendum; cum ad rem si perveneris, famam raro sustineant, spemque sæpè fallant ac frustrantur. Sunt verò potiora: aprorum porcorumque it. bovis, capra, ovis atque piscium vesica exsiccata, leporis atque vulpis testicles & cerebrum, caput leporis cum pelle ustum & in cineres redactum, cerebrum vulturis, gallinarum guttur tostum, tunica interiores stomach. gallinar. piscium, in ventre lucii reptorum & exsiccatorum, pulveres, mures in butyro elixi vel exsiccati & pulveri sati, cum ovo sorbilivelpotu assumpti: it: lingua anseris, ungula apri torrefacta, stercus leporis & caprae, avellana assata, pulmones hoedi tosti, pudendum suillum, in cineres redactum, vel coctum aut assatum, & in forma farciminis exhibitum, quod Ammanus in Irenico p. 257. quoque refert it. erynaceorum combustorum cineres, qui teste Ettmüllero oper. suor. p. 385. Medicum per 20. annos hoc affectu laborantem, restituisse dicuntur, & à Michaele etiam commendantur, pulveremque Montagnanae ac Hecksteteri contra nocturnam urinæ incontinentiam, cum stomachis gallinar. mastich. galang. agrimon. lap. 69. alchimill. cupul. gland. & nuc. myrist. constituunt. Si tamen horum aliqua quandoque laudatum edunt effectum, & malum ab iisdem profligetur, propter solas partes terreas adstringentes & gelatinosas admixtas hoc ipsum præstare videntur; unde quoque cineres harum partium, vel integrorum animalium, non tam efficaces crediderim, quam partes & animalia ipsa exsiccata & pulverisata, licet animalium cineres non æquæ copiosam salium fixorum quantitatem possideant.

Tandem *Externa* quoque in subsidium sunt vocanda, quæ licet stent post principia, omni tamen effe-

ctu non carent, imò inter dum internis, in hoc affectu, palmam præripiunt. Inter ea verò primo loco hic nominanda sunt *Balnea*, tam *naturalia*, quàm *artificialia*, quæ tepore suo partes solantur & spiritus torpidos excitant, eorumque motum naturalem restitunt. Si verò partes martiales & aluminosas secum vehunt, tunc fibras laxas unâ roborant & non unò nomine commendanda veniunt; licet in hac adstrictione iis solis non semper nimium sit tribuendum. Cum successu itaque adbibentur potissimum in paralyticis & frigidioribus, ac ubi malum à debilitate nervorum & spirituum languidiori motu, vel frigore externo, oritur; ubi à *Timæo l. 5. Obs. XXII. p. 288.* Thermæ, sulphuris & salis mineras vehentes, præ aliis commendantur, qui, si quæ spes sanitati superest, eam in harum usu recto & continuato constituit. Naturalium verò Balnearum vicem non rarò supplent artificialia ex *rad. bistort. tormentill. Symphyt. herb. menth. tormentill. meliss. betonic. rosmarin. salv. lavendul. primul. ver. pol. montan. serpill. organ. fol. querc. myrt. flor. balauft. rosar. cupul. gland. gallis, cortic. granat. baccis myrt. O, Vitrioli &c. parata.* Possunt etiam ex speciebus jam laudatis & plurimis aliis nervinis ac adstringentibus fieri sacculi, pubi applicandi, & in aqua fabrorum, vel in quâ tegulæ ignitæ sæpè fuere extinctæ decoqvendi. Non verò sufficit semel atque iterum talia usurpasse, sed repetendus horum est usus, & per mensem interdum est continuandus; licet, si in eodem excedatur, obstructio mensium quandoque oriatur. Sunt etiam qui folia nicotianæ recentia, in aqua plantaginis vel vino rubro cocta, vaginæ uteri applicant, quod magis in illâ urinæ incontinentiâ locum habere videtur, quæ pendet ab acri-

moniâ salinâ, partes istas & sphincterem vesicæ nimium irritante.

Post balneorum usum, regioni pubis *Linimenta* ex aqua apoplect. Nimani vel Excell. Dn. Pras. vel Spiritu Lil. convall. aut spic. cum Sp. salis ammon. & oleo spicæ animati; it. ex Spir. lumbric. terrestr. formicar. Ol. formicar. anth. &c. parata, sunt illinenda, quæ spinali quoque medullæ applicari possunt, si malum à casu in partem illam oriatur. Quæ verò communiter commendantur *Unguenta*, ut *nervinum* & *martiatum* cum Ol. mastich. castor. cydon. myrtin. & similibus, vix penetrant, & exiguum effectum pollicentur.

Plus etiam ab *Emplastris* in hoc affectu vix possumus sperare, quàm ut partes subjacentes foveant, & aeris externi arceant injurias, unde quibus eò fine *emplastr. de betonic.* & *Oxycroceum* juxta *Zvelfferum* correctum, vel quæ *Sennert. l. 3. pr. part. VIII. ss. 2. c. 7. p. 887.* & *Riverio l. 14. prax. p. 432.* ex mastich. ladan. styrac. calamit. terebinth. &c. parata placent, cum oleo spic. castor. &c. vertebriis lumborum applicare commodum fuerit visum, iis non refragabimur.

Quibus vero *Suffimigia* arrident, illi eadem ex *thure*, *mastich.* *fol. quercin.* *myrt.* *laur.* *gallis* &c. possunt incendere. Licet enim ignis magis salinas rodentes & aperientes elevet particulas, ipsis tamen terris quoque & adstringentibus idem quasi alas addit, ut hæc quoque formulæ quandoque cum effectu fuerint adhibitæ. Agmen tandem remediorum externorum claudunt *Amuleta*, inter quæ famosissimum est, quod ex pulvere Bufonis vivi, in olla recenti calcinati, conficitur. De eò enim testatur *Heerius* in *Spadacr. Obs. 14. p. 194.* *Fœminam istam,*
cui

cui vesica, per obstetricis imprudentiam, fuerat lacerata, perfectè fuisse curatam, postquam, quod à Cingaro fuerat edocta, pulverem istum sacculo inclusum, & de collo appensum, gestaverit. Addit quoque, laudatus Auctor, experientiam propriam, & docet, quomodo feliciter cum successu, idem remedium in Mercatore, qui à Lithotomo imperito male fuerat tractatus, adhibuerit. Confirmat hanc experientiam ulterius *Illustris Boyle Philos. Exprimet. Exercit. V. p. 280.* testaturque, pulverem hunc à Medico quodam solertissimo bis vel ter cum successu in usum fuisse vocatum; cum quo etiam faciunt *Paulinus tract. de Bufone p. 107. Ettmullerus in Prax. Wolffius in scrutinio Amuletorum, p. 460.* & multi alii, qui omnes pulverem hunc magnis extollunt laudibus, effectumque ejus mirum quantum depredicant. Verum enim vero Excell. Dn. Præsidi non dum tam felici esse licuit, ut ab hoc pulvere, externè applicato, semper desideratū effectum nancisceretur. Bis enim frustra se eundē adhibuisse affirmat; semel cum successu, sed unā cum internis, & semel etiam saltim mitius degisse ægram observavit. Hinc huic quoque Amuleto tantum non esse tribuendum suspicamur, quantum quidem viri laudati de eodem jactant, cum ipse *Boyleus loc. cit.* affirmet, spem medicum istum, experimentum hoc tentantem, semel atque iterum fuisse frustratam, & reliqui magis aliorum fidant experientiæ. Fatetur tamen etiam *Excell. Dn. Præsides*, se propter ægrorum incuriam, sæpius non renovasse pulverem, laudatum, quod ægra apud *Boyleum* fecit, cum tamen vires ejus successu temporis deficient. Modò itaq; agendi hujus Amuleti, de quo ne quidē mussitant Auctores, si conjecturæ locus est, consistit forsan in subtilium corpusculorum

rum exhalatione, quæ poris corporum & Massæ Sangvineæ se insinuant, non secus ac vitriolum externe applicatum, imò in distans in pulvere sympathetico hæmorrhagias quandoque sedat, & alias humorum compescit fluxiones. Licet enim in cineribus vix exhalationi apta corpuscula residua esse videantur: nihilominus quia solidissima corpora suis quoque gaudent effluviis, & ipsa metalla, mineralia atque gemmæ iisdem copiosis abundant; æque ac Vitriolum ipsum, etiam postquam tortorem ignem sustinuit; ideo huic quoque Cineri effluvia non omnia denegaverim. Accedit, quod calor corporis, cui appenditur, sopitas quasi particulas forte exsuscitet, æque ac succinum ab accedentibus solis radiis vim attrahendi paleas acquisivisse à Boyleo fuit notatum; & sicut corpora electrica frictione armantur quasi, ut corpora leviora fortius alligant.

Reliqua *Amulcta*, ut *cornua scarabæorum* infantum collo suspendenda, quorum Wolffius loc. cit. meminit: item *ranam viridem*, quam per medium sectam regioni renum applicat *Ettmullerus Prax. p. 386.* studiosè prætermittimus, quia, an experientiâ aliorum nobilitata sint, non meminimus.

In DIÆTA ægri abstineant à vino diuretico, & omnibus aliis urinam moventibus, sitq; potus parcius, potissimum antequam cubitum eant, in illis qui de nocte hoc malo infestantur, potest quoque *vinum chalybeatum* exhiberi vel *rubrum* & *subausterum*, it. decoctum hordei cum CC. & rad. tormentill. vel bistort. paratum; quibus etiam cerevisia potest reddi medi-

cata. Monendus quoque est æger, ut ante ingressum
in lectum vesicam exoneret, quò fine nonnulli me-
diâ nocte tales excitant, eosque de urinâ reddendâ
commonefaciunt. Cibi minus sint acres, non nimi-
um saliti aut fumo indurati, & quod quibusdam
placet, si ægro visum fuerit, in aquâ ferratâ
decoquantur.

LaVs slt pæonlæ tVrbæ reglqVe DVClqVe
lesV, qVI Morbos re potls arte fVgat!

CEdant DISTELIO sentes, spinetaq; cedant
Nam roseam Phœbicalcat ad astra viam.

*Nobilissimo Dn. Candidato bene
precatus dedit*

Jo. Georg. Neumannus, D.

Acad. Rector.

QVæ bona Natura pariter sunt optima Summi
Dona Creatoris, mens ea recta docet.

Hæc dedit ipse DEUS, servatque per omnia secla;

His Natura bonis utitur usque modis.

Ast ea corrumpit varius varium per abusum

Morbus, sic fiunt, quæ bona, sponte mala.

Omnibus hinc morbis prudens Medicina paranda,

Transseat ut Medici dexteritate malum.

Urine prave hæc Pagina Docta meatus

Corrigit, atque malum tollit id Artis ope.

Per facili cura quoque Morbi cetera damna

DISTELIUS MEDICUS DOCTOR ab Arte sceet.

Johannes Deutshmann / D.

Eri-

ERige Te his, Invidæ, bonis, fortique malignæ
Finge parem : virtus prospera cuncta dabit.
Ista viam faciet, quam munit ad æthera fama,
Ista tuis studiis præmia digna tulit.

Jo. Gottofredus Berger, D.

NE Te poeniteat Medicorum castra secutum,
Et Medicas ægris adhibuisse manus,
DISTELI : Medicum sibi nam quæsit Hygæa,
Te venerata suum : Te Medicum voluit,
Ut solet : Invitos virtus quoque quærit & ultro,
Blandis hos dictis nobilis ambit honos ;
Hinc quoque meta Tuos tandem quæsit Labores
Excipit & totum lata coronat opus.
Sic sane pressa diu prorecta resurgit in altum
Splendidius meritis debita palma Tuis:
Sis felix & porro Tuos comitentur honores
Gloria, vita, salus, quicquid & ipse cupis !

Honoris & Amoris ergo.

scrib.

Christianus Vater / D. PP.

QUotquot habet Phœbus Lauros Laudisq; Coronas,
Tot Te nunc omnes non sine laude manent.
Ille audit Sophiæ, Artis Medicæ atqve Poësis
Ductor, Tu Doctor dignus in arte triplex.

Lau-

Laudo conatus, studium vitamque modestam,
Leucoris & laudat dona decora Tua.

Gratulor idcirco hos ausus & Præmia summa,
Fataque sint meritis splendida porrò Tuis !

*Ita Clarissimo Dn. Candidato ex
animo gratulatur*

PRÆSES.

Nunc ades, alme parens Medicorum, Phœbe, labanti,
Addenovas vires, perpetuumque decus.

Lumen in orbetuum dignam fortunet honorem :

Promoveant doctum prospera fata caput!

*Sic Nob. Dn. Candidato ex gravi morbo vix con-
valescenti novum honorem gratulatur.*

C. Warlitz. D.

Archiatr.

Non tribulos spenasve Tuus, Clarissime DISTEL,
Sed properat segetes rite tulisse labor.

Restat, confectum mox messis læta sequatur,

Excipiant meritis digna brabea Tuis.

*quæ ex animo precatur
Nobiliss. Tue CLARITATI
obstrictiss.*

M. J. A. Planerus.

